

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Le tableau**

**Cebes <Philosophus>**

**A Paris, 1543**

Honneur est loyer de vertu

[urn:nbn:de:bsz:31-131272](https://nbn-resolving.org/urn:nbn:de:bsz:31-131272)

Le Tableau de

Honneur est loyer de  
Vertu.



Les images de Fortune & de  
ceulx qui estoient à  
l'entour d'elle.

**N**ous uoions biē (ce dy ie) tout cela,  
 Mais dites nous de ceste femme la,  
 Qui comme auueugle & folle ou in-  
 sensée,

Deuant la troupe aupres d'elle amassée,  
 Se tient dessus la pierre ronde assise?  
 Interpretez au long ceste deuise,  
 Sō nom, ses faiēt, les lieux ou elle habite,  
 Si sa puissance est bien grande ou petite:  
 Et qui sont ceulx autour d'elle assemblez,  
 Les uns ioieux, & les autres troublez?  
 Le uous diray (ce respondit le prestre)  
 Son nō commun, sa puissance & son estre:  
 Elle est de tous la Fortune nommée,  
 De qui on faiēt si grande renommée:  
 Elle n'est pas auueugle seulement,  
 Croiez qu'elle est sourde semblablement.  
 Elle s'en ua par toutes nations,

Ou elle

## Le Tableau de

On elle faict les distributions,  
De ses tresors, & mondaines richesses,  
Puis quand luy plaist user de ses finesces,  
Elle leur oste, & à d'autres les donne,  
Sans regarder à faueur de personne.  
La pierre ronde aussi nous signifie  
Qu'elle est muable, & ne fault qu'o's'ysie  
Car quand aucun y met sa confiance,  
Il est deceu de sa uaine esperance,  
Tumbe en misere & en calamitez,  
En accidens & en aduersitez.  
Ceulx que uoiez assemblez autour d'elle,  
Tant differens, sachez qu'on les appelle  
Les despourueuz de conseil, qui aspirent  
Aux biens mödains, & sans fin les desirēt:  
Pour les bapper s'efforcent & se hastēt:  
Puis quand les ont, les gectent & de-  
gastent.

Ceulx

Ceulx de deca qui semblent s'esioyr  
 Auec un ris, ont eu pour en iouyr  
 Les grans honneurs, & les prosperitez,  
 Les dignitez, & les auctoritez,  
 Les gros deniers, les maisōs sumptueuses,  
 Les beaulx habitz, les bagues precieuses,  
 Chiēs &oiseaulx, plaisantes mestairies,  
 Vignes, iardins, forestz, bois & prairies,  
 Ce sont les dons qu'ilz ont d'elle receuz:  
 Et pour cela (cōbien qu'ilz soiēt deceuz)  
 Elle est par eulx bonne Fortune dite.

Ces autres cy qui de face despite  
 Semblēt pleurer, & lieuēt hault les mains,  
 Sont ceulx à qui Fortune a osté mainctz  
 Presens & dons, qu'elle leur auoit faitz  
 Cela les rend si tristes & desfaitz,  
 Que pour n'auoir rien qui soit qui leur  
 plaise,

Nommée

Le Tableau de

Nommée l'ont la Fortune mauuaise.

Je demanday adonques à cest homme,  
Ces choses la que richesses on nomme,  
Noblesse, Enffans, Royaulmes, Seigneu-  
ries,

Terres, Chasteaulx, Contez & Ba-  
ronnies,

Possessions, toutes choses semblables,  
Sont ce pas biens à posséder aymables?

Certes (dit il) les hommes terriens  
Les ont nommez & les estiment biens;

Mais pour parler en pure uerité,  
Ilz n'ont de biens le hault nom merité.

Vne autre fois nous en disputerons,  
Et au tableau nous nous arresterons.

Des



Des  
Aua  
Flat

